

增修
補註
正續歷代通鑑輯覽

五十五

清

世祖章皇帝

〔癸巳〕順治十年

明永曆七年

春正月詔言官直諫無隱

調洪承疇爲內翰林弘文院大學士陳名夏爲內翰林祕書院大學士

弘文院修撰麻勒吉奏請以後凡有詔赦俱從減等之例下所司議奏言

今屢頒恩詔除十惡大罪外皆與宥免臣等以爲詔赦出于一時之喜慶而法者所以布信于天下也歐陽修曰信義行于君子刑戮加于小人王通曰無赦之國其刑必平若全赦其罪是惡人得以幸免而受惡人之害者反抱怨莫伸則惡何由而懲善何由而勸請以後凡有詔赦俱從減等之例則皇仁國法並行無礙下所司議

命隨征貝勒屯齊爲定遠大將軍統征剿湖南大軍

敕諭定南將軍阿爾津率師往會湖南大軍

以多羅額駙內鐸爲議政大臣

帝幸內院閱吏部大計疏帝謂大學士范文程等曰貪吏何其多也此輩

平時侵漁小民當茲大察之年亦應戒愼文程奏曰彼平居未仕時亦知貪吏不可爲一登仕籍則見利智昏矣帝曰此由平時不能正心之故也苟識見既明持守有定安能爲貨利搖奪衆皆頓首稱善

二月復設廣東開平縣

封蒿齊忒部瞻土謝圖妻杜圭爲多羅蘇勒福金子噶爾瑪薩望台吉爲多羅郡王先是蒿齊忒部瞻土謝圖既歿其妻杜圭因察哈爾汗不恤宗族擾其部曲率其子奔附喀爾喀及太宗平察哈爾杜圭遂棄喀爾喀率子暨部衆來歸至是封之以酬其功

命續順公沈永忠爲剿撫湖南將軍鎮守湖南

革少詹事李呈祥職免死流徙盛京呈祥條議部院衙門應裁去滿官畱任漢人一疏帝覽之謂大學士洪承疇等曰李呈祥此奏大不合理夙昔滿臣贊理庶政並有收獵行陣之勞是用得邀天眷大業克成彼時可曾咨爾漢臣而爲之乎想爾等多係明季之臣故有此妄言耳副都御史宜巴漢等因劾呈祥乃命革呈祥職免死流徙盛京

以高爾儼補內翰林弘文院大學士

以費揚古

姓陳氏滿洲正白旗人

爲議政大臣

李定國自湖南遁走廣西。定國旣連陷楚粵諸郡，兵力益強，不復稟孫可望約束，可望忿甚，會定國敗于衡州，可望使人召之，赴沅州議事，將以爲罪而殺之。定國覺其意，辭不行。至是，定國率馬進忠等犯永州，定遠大將軍多羅貝勒吞齊等帥師自衡州進擊，未至，定國已遁度龍虎關而去，遂入廣西。時清軍已克復桂林府，定國乃據柳州。

三月，賜太常寺卿管欽天監事湯若望號通懸教師，加俸一倍。賜之敕曰：朕惟國家肇造鴻業，以授時定曆爲急務。羲和而後，如漢洛下閎、張衡、唐李淳風、僧一行諸人，于曆法代有損益。何于日月朔望交會分秒之數，錯誤尙多，以致氣候刻應不驗？至于有元郭守敬號爲精密，然經緯之度尙不能符合天行，其後晷度亦遂積差矣。爾湯若望來自西洋，涉海十萬里，明末居京師，精于象緯，閎通曆法。其時大學士徐光啓特薦于朝，令修曆局中，一時專家治曆如魏文奎等推測之法，實不及爾。但以遠人之故，多忌成功，歷十餘年終不見用。朕承天眷，定鼎之初，爰諮爾姓名，爲朕修大清時憲曆。迄于有成，可謂勤矣。爾又能潔身持行，盡心乃事，董率羣官，可

謂忠矣。比之古洛下閎諸人，不既優乎？今特賜爾嘉名，爲通懸教師。餘守秩如故，俾知天生賢人，佐佑定曆，補數千年之闕略，成一代之鴻書，非偶然也。爾其益懋厥修，以服厥官，傳之史冊，豈不美哉！

詔原任弘文院大學士馮銓，仍以原官辦事。銓爲明季魏璫私人，入清任大學士，復以受姜瓖賂，爲言路所攻，致仕去。帝以銓博洽典故，諳練政事，故復用之。

改鑄朝鮮國印篆。朝鮮國所進表奏印篆，止有清字，無漢字。因著禮部卽行改鑄，兼清漢篆文，給賜該國王。

清兵擊敗孫可望于寶慶。可望自率兵追李定國，由靖州進次寶慶。清兵偵知之，自永州迎擊，與馮雙禮等遇于周家坡。雙禮營山頂，據地險，與清兵相距可望，率前軍乘夜至，與雙禮合。明日，率衆下山來攻，清兵分路奮擊，可望大敗，斬馘甚衆。可望遁還貴州，盡殺明宗之在黔者。

夏四月，以圖海

姓馬佳氏，字麟洲，滿洲正黃旗人。

爲內翰林弘文院大學士。

冊封達賴喇嘛爲西天大善自在佛，領天下釋教。

封厄魯特部顧實汗爲遵行文義敏慧顧實汗，賜金冊金印。

李定國攻廣東。孫可望憾李定國益甚。然以其將兵在外，不敢輕樹敵。仍厚養其妻子于雲南。定國亦防可望襲之。益思據地自固。乃與馬寶由懷慶攻廣東。卽圍肇慶。清兵自廣州來救。敗之。四會河口。定國移兵攻平樂。陷之。清府江道周永緒、平樂知府尹明廷等遇害。又攻高州、廉州、雷州諸府，亦俱爲所陷。

五月，裁陝西、西安樂中護衛鎮，羌守禦所、河南禹州守禦所。

定御史爲二十員。鄭親王濟爾哈朗等奏各省巡按爲察吏安民之官，近者多受屬員獻媚，參劾無聞。應將巡按概行停止。其十四道京畿道御史止二十員，其餘俱應裁汰。從之。

封精奇尼哈番、鄭芝龍爲同安侯。子成功爲海澄公。弟鴻逵爲奉化伯。芝豹爲左都督。

命駐防江寧府、昂邦章京喀喀木爲靖南將軍。帥師征廣東。命喀喀木爲靖南將軍。同梅勒章京噶來道、臚總統官兵前赴廣東。平南王尚可喜、靖南王耿繼茂處相機剿撫。

定旌表宗室節孝貞烈例。

六月裁山海關道缺歸併永平道轄

復秋決朝審例 從刑部尙書李化熙請也

予明末靖難諸臣范景文等諡並予太監王承恩諡忠節 明末殉難忠臣

大學士范景文戶部尙書倪元璐左都御史李邦華副都御史施邦耀太

常寺少卿吳麟徵左庶子周鳳翔檢討汪偉都給事中吳甘來御史王章

陳良謨左中允劉理順馬世奇主事成德金鉉駙馬都尉鞏永固等十六

員給諡賜祭前太監王承恩從君殉節雖已立碑旌表賜地供祭仍併于

諡景文曰文忠元璐曰文貞邦華曰文肅邦耀曰文愍麟徵曰貞肅鳳翔曰文介偉曰文毅甘來曰莊介章曰節愍良謨曰恭潔理順曰文烈世奇曰文肅成德曰介愍永固曰忠烈鉉曰忠潔

王承恩曰忠節

戶兵工三部遵諭改折各直省本色錢糧歸于一條鞭法總收分解請永爲

例從之

以李率泰爲兵部尙書兼右副都御史總督兩廣 經略大學士洪承疇保

舉原任大學士李率泰堪任兩廣總督得旨李率泰本當永不敘用既經

略輔臣保爲兩廣總督特允所舉著改過自新以圖報稱

定遠大將軍貝勒屯齊奏大破孫可望于寶慶斬殺甚衆 明安西王李定

國及馬進忠率馬步兵四萬餘至永州屯齊等以西安府兵暨提督總兵官柯永盛兵駐衡州清軍于二月十三日向永州進發比抵永州李定國已度龍虎關而去屯齊等聞孫可望親率兵來靖州馮雙禮率二萬餘來武岡州乃自永州向寶慶進發訊悉馮雙禮白文選馬進忠率兵四萬餘營于岔路口三十里外周家坡孫可望在寶慶清軍遂宿岔路口次日前進分兵奮擊斬殺無算

復設江南宣府臨清薊密鼓鑄鑪共三百四座

防寺人干預朝政 諭內院朕稽考官制唐虞夏商未用寺人自周以來始具其職所司者不過閹閹灑掃使令之役未嘗干預外事秦漢以後諸君不能防患乃委以事權加之爵祿典兵干政流禍無窮豈其君盡閹哉緣此輩每以小忠小信固結主心日近日親易致潛持朝政且其伯叔弟姪宗族親戚實繁有徒結納縉紳關通郡縣朋比夤緣作奸受賄窺探喜怒以張威福當宮廷邃密深居燕閒稍露端倪輒爲假託或欲言而過默或借公以行私顛倒賢奸溷淆邪正依附者巧致雲霄迂抗者謀沈淵穽雖有英毅之主不覺墮其術中權既旁移變多中發歷觀覆轍可爲鑒戒但

宮禁役使。此輩勢難盡革。朕酌古因時。量爲設置。首爲乾清宮執事官。次爲司禮監御用監。內官監。司設監。尚膳監。尚衣監。尚寶監。御馬監。惜薪司。鐘鼓司。直殿局。兵仗局。滿洲近臣。與寺人兼用。各衙門官品。雖有高下。寺人不過四品。凡係內員。非奉差遣。不許擅出皇城。職司之外。不許干涉一事。不許招引外人。不許交結外官。不許使弟姪親戚暗相交結。不許假弟姪等人名色。置買田屋。因而把持官府。擾害人民。其在外官員。亦不許與內官互相交結。如有內外交結者。同官覺舉。部院察奏。科道糾參。審實一併正法。

閏六月。以成克鞏爲內翰林祕書院大學士。張端爲內翰林國史院大學士。劉正宗爲內翰林弘文院大學士。

琉球國中山王世子尙質來貢。兼繳故明敕印。

秋七月。暫停宮殿工程。以錢糧賑濟軍民。

鑄一錢二分五釐錢。每文重一錢二分五釐。精工鑄造。背面鑄一釐兩字。每千文作銀一兩。飭內外上下畫一通行。如有不遵者。治以重罪。其見行舊錢。原有高低厚薄不等。難以強齊。一切貿易。暫從民便。官鑪夾帶私鑄。

者照枉法贓治罪其私鑄奸民不時嚴緝若仍前違犯事發該地方官根究重處

帝聞喀爾喀舉兵內向命安郡王岳樂爲宣威大將軍統兵戍歸化城

八月壬午以太宗第十四女和碩公主下嫁平西王吳三桂子應熊

降皇后博爾濟錦氏爲靜妃改居側宮 諭禮部后乃睿王于朕幼冲時因

親定婚未經選擇册立之始卽與朕志意不協宮闈參商已歷三載事上

御下淑善難期不足仰承宗廟之重謹于八月二十五日奏聞皇太后改

居側宮時諫者甚衆俱不聽

九月明永歷帝遣使于李定國 先是永歷帝在安隆塗葦薄以自蔽日食

脫粟窮困備至而前御史任僕中書方于宣等屢勸進于孫可望可望遂

自設內閣六部等官

可望初欲設六部翰林官慮人議其僭乃以范鏞馬兆義任僕萬年策爲吏戶禮兵尚書並加行營之號後又以程源代年策而僕最寵屢勸

可望僭號可望令待由榔入黔議之由榔久駐安隆可望乃自設內閣六部官以文安之爲東閣大學士安之不爲用走川東依劉體仁等以居立太廟定朝儀改

印文爲八疊盡易其舊永歷帝聞之憂懼密謂中官張福祿全爲國曰聞

李定國已定廣西軍聲大振欲密下一敕令統兵入衛若等能密圖乎二

人言徐極林青陽張鐫蔡縝胡士瑞曾疏劾馬吉祥龐天壽宜可與謀永

歷帝卽令告之五人許諾引以告大學士吳貞毓貞毓曰主上憂危正吾

輩報國之秋諸君中誰能充此使者青陽請行乃令佯乞假歸葬而使員

外郎蔣乾昌

晉江人

撰予定國敕主事朱東旦

四川人

書之福祿等持入用寶

青陽于歲盡間道馳至定國所定國接敕感泣許以奉迎然以兄事可望久未敢輕發至是青陽久未還永歷帝將擇使往促貞毓以翰林孔目周

官

臨川人

對都督鄭允元

歙縣人

曰吉翔晨夕在側假它事出之外庶有濟永

歷帝乃令吉翔奉使祭桂王常瀛及太妃墓于梧州南寧而遣周官詣定國時青陽亦已還至南寧爲守將常榮所留密遣親信劉吉告永歷帝永歷帝喜改青陽給事中諭貞毓再撰敕鑄屏翰親臣金印令吉還付青陽至廉州周官與青陽遇偕至高州賜定國定國拜受命

冬十月同安侯鄭芝龍奏前命招撫逆弟鴻逵逆子成功臣卽遣人貽書宣傳聖意俱未受封帝以鄭成功妄行索地誇詐大言其欲不可饜足著議政王貝勒大臣確議以聞

朱由極伏誅

先是叛民朱由極自稱爲故明泰昌第三子其黨楊得先等

推以爲主造僞札僞印煽惑鄉民妄授官職招集黨羽潛謀不軌至是爲

宛平

清縣故城在今縣東北

縣民寧忠弼等所首命王大臣等會鞫得實磔爲首者七

人斬附從者二十二

帝以章奏繁多命大學士學士分班在太和門內辦事先是各部奏事畢

仍攜本章回部擬旨方送內院每致舛錯後以奏事時奉御批卽發內院

至是帝以章奏繁多若竟送內院又恐易滋弊竇命和碩鄭親王同諸大

臣更議尋議于太和門內擇一便室大學士學士等官分班入直本章或

御批或于御前面批若有應更改之事卽面奏更改庶幾無弊從之于是

親定大學士學士名次爲二直更番在內辦事

嚴諭內外人等未經薙髮者著遵例速薙

十一月設遼陽府附郭遼陽縣改海州爲海城縣

敕諭鄭成功祇承靖海將軍海澄公敕印

勅曰朕臨御天下思與百姓休息底於太平有負固不服者則兵之其有輸誠國家矢忠

宣力者爵賞曷有靳焉爾父鄭芝龍首先投順忠誠可嘉特昇侯爵世世延賞復封爾爲海澄公洎爾叔等一門盡被恩榮朕豈憚于用兵如此哉但以爲力服明威何如示恩示信爾不卽祇承敕印

仍遣李德等來爾父持爾書入告朕覽書內有君擇臣臣亦擇君之語爾來投誠正是擇君朕破格委任正是擇臣君臣一心至誠相待何有不信之處又云爾父爲貝勒所給屈抑數年爾父在睿王

時果有猜疑看守之事朕親政以來優厚大臣加升爾父官爵同國家勳舊諸臣恩禮罔間想爾亦悉知之又云一攻一議二三其令因固山額真奉命在先劉清泰招撫在後及爾差人一到卽令撤

兵何嘗失信又云三府屯兵並轄三省沿海地方原敕止有泉州等處並未有三府之說此傳言之誤爾言一府未足屯兵未爲不是故益以三府又云島上諸紳籍沒已盡府道縣視爲奇貨或亦有之

之諸人果非叛逆、有司何得執問、但既係叛逆、窮究黨與、亦未爲過、又云、分爲五等、上爵充總兵官、尙在提督之下、似爲有理、故命爾挂靖海將軍印、又云、用人莫疑、疑人莫用、朕因不疑、故授爾以封爵、委以海上之事、如有所疑、豈肯加封委任、又云、父親致力於內、兒盡力於外、付託得人、地方安靜、此言殊爲合理、朕再三宣諭、不欲加兵、爲地方頻年兵火之苦、暨父子間隔之情、爾即多所詞說、皆所不計、復念爾兵卒衆多、一府難於安插、錢糧委難支給、仍益以漳州潮州惠州三府、並泉州四府駐紮、即將四府水陸寨游營兵餉撥給爾部、下弁兵不足、不另補、正課錢糧仍行解部、管民文官俱聽部選、爾原轄武官聽爾選委、仍將姓名職銜具奏造冊送部、開洋船隻、爾得稽察收納課稅、送布政使司解部、朕待爾推心置腹、毫無猜疑、爾受茲敕印、速宜安插兵丁、防剿海賊、所轄將士嚴行約束、勿擾百姓、上以報朕委任之意、下以全爾等歸命之忠、爾等贊功累勞、仍有戀官戀賞、主臣相得、垂之史冊、豈不休哉、爾其欽承之、

戶部議准科臣季開生奏請立限報災永著爲例報可 夏災限六月終秋

災限九月終先將被災情形馳奏隨于一月之內查覈輕重分數奏請蠲豁其逾限一月內者巡撫及道府州縣俱罰俸逾限一月外者各降一級如遲緩已甚者革職

御史高爾位奏籍沒官屋每城撥八間增置棲流所以處饑民報可

十二月以固山額眞陳泰爲定南靖寇大將軍與固山額眞藍拜濟席哈護軍統領蘇克薩哈等統兵鎮湖南以呂宮爲內翰林弘文院大學士

設兵部督捕滿漢侍郎各一增司官各六 另設公署專理緝逃捕寇事務

〔甲午〕十一年 帝明永曆八年春正月川陝總督孟喬芳卒 喬芳明副將以天聰

四年來降至是卒于官諡忠毅贈太保廕一子入監讀書

二月以金之俊爲內翰林國史院大學士

命靖南王耿繼茂移鎮廣西桂林

甄別各直省督撫加級降革有差加江南總督馬國柱直隸總督馬光輝

湖廣總督祖澤遠俱太子太保漕運總督沈文奎操江巡撫李日芄四川

巡撫李國英俱兵部尚書陝西巡撫馬之先兵部右侍郎廣東巡撫李棲

鳳加一級浙江巡撫蕭起元降一級照舊管事宣大總督佟養量

遼東寧人

夏巡撫孫茂蘭俱解任山西巡撫劉宏遇降一級山東巡撫夏玉降二級

調外用湖廣巡撫遲日益革職餘俱留任

命大學士寧完我預滿州議政大臣之列

賞獵戶李百總衣服鞍馬盛京獵戶李百總收養山海關內貧民四百餘

口帝以其尙義可嘉賞衣服鞍馬以示獎勵

帝祀先農行耕藉禮

遣尙書覺羅巴哈納等分賑畿輔特命發銀二十四萬兩分賑直隸各府

水災

增江南沿海水師三千名

三月大學士陳名夏伏法。國史院大學士寧完我劾陳名夏結黨懷奸情事叵測。列款具奏。得旨著內三院九卿科道詹事等官會同逐款詳問。從重議罪。具奏會鞫得實。陳名夏論斬。家產籍沒。妻子流徙盛京。隨命諸王貝勒大臣覆議。仍應論斬。妻子家產分散爲奴。伊子陳掖臣提到另行審結。得旨陳名夏著處絞。妻子家產免分散爲奴。餘依議。

戊申皇子玄燁生。帝之第三子也。母曰佟氏。

以蔣赫德爲內翰林國史院大學士。

孫可望遣人刼明永歷帝殺其大學士吳貞毓等。馬吉翔之出使也在道。

微知林青陽密敕事。遣人至李定國營偵之。主事劉議新者道遇吉翔。意其必預謀也。告以兩使齎敕狀。吉翔驚駭。啓報孫可望。可望大怒。并疑吉

翔預謀。遣其將鄭國赴南寧逮之。會張鐫胡士瑞李元開善化人以永歷帝

親試蔡縝徐極朱東旦及御史林鍾湖廣人以久次皆予美官。龐天壽及吉

翔弟都督雄飛忌甚。與其黨郭璘方謀陷之。而鍾縝極鐫士瑞亦知事洩。

倉皇劾吉翔天壽表裏爲奸。永歷帝見事急。卽下廷臣議罪。天壽懼與雄

飛馳赴貴陽告可望而鄭國亦已械吉翔至安隆與諸臣面質貞毓謝不知國怒因挾貞毓直入永歷帝所居迫脅永歷帝索主謀者永歷帝懼不敢正言謂必外人假敕寶爲之國遂努目出械貞毓并允元鍾續元開極鑄士瑞東旦蔣乾昌及太僕少卿趙賡禹袁州人御史周允吉錢塘人朱議屢南昌人員外郎任斗墟鄞縣人主事易士佳廬陵人繫私室又入永歷帝所居擒福祿爲國而出其黨冷孟鉏蒲纓宋德亮朱企鰲等迫永歷帝速具主名永歷帝悲憤而退翊日國等嚴刑拷掠獨貞毓以大臣免衆不勝楚大罵時日已暮風雷忽震烈續厲聲曰今日續等直承此獄稍見臣子報國苦衷由是衆皆自承國又問曰主上知否續大聲曰未經奏明乃復收繫以欺君誤國盜寶矯詔爲罪報可望可望請永歷帝親裁帝不勝憤下諸臣議吏部侍郎張佐辰及纓德亮孟鉏企鰲蔣御曦等謂國曰此輩盡當處死倘留一人將爲後患于是御曦執筆佐辰擬旨以鑄福祿爲國爲首罪凌遲餘爲從罪斬永歷帝以貞毓大臣言于可望罪絞諸臣就刑神色不變各賦詩大罵而死其家人合瘞于安隆北關之馬場已而青陽逮至亦被殺獨周官走免

夏四月。停命婦更番入侍后妃之例。

給事中張王治奏請操江巡撫移駐京口。奏謂江南鎮江咽喉重地。因無建牙重臣。整飭戰具。以致賊兵內犯。查舊制設文武操江二員。今止存操江巡撫一員。又駐八百里外。鞭長不及。恐誤事機。合請移駐京口。專防江海吳淞要地。仍責令蘇州總兵官鎮守。無事則訓練水師。有事則飛舸追剿。職守既定。南北各無推諉。海氛撲滅。可計日待矣。下所司速議。

訂造賦役全書。戶部奏賦役全書。關乎一代之制度。各省之利弊。查舊績。貴詳盡無遺。剏立新規。期簡明易曉。請敕臣部右侍郎將舊貯全書。作速訂正。督率各司官。照所管省分。剏造新書。仍會同戶科詳加磨勘。有應增減變通者。小則部科酌定。大則上疏奏請。務求官民易曉。永遠可行。書成頒行天下。凡徵收定納解運支銷考成蠲免諸法。悉據此書用垂永久。報可。

陳名夏子掖臣。決杖遣戍。

以王永吉爲內翰林祕書院大學士。秦世禎爲右僉都御史。巡撫浙江。江南海寇徐可達。朱元等降。